

輿地碑記目



輿
地
碑
記
目

王象之撰

中
華
書
局

25251

叢書集成初編

輿地碑記目

中華書局出版發行

(北京王府井大街三十六號)

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一

統一書號：一七〇一八·一五一

此據粵雅堂叢書
本排印初編各叢
書僅有此本

宋王象之與地紀勝分類編次起沿革迄四六凡目十有二碑記其第十也金石家就中抄綴錄成四卷未經刊播世鮮其書向年思適齋有之顧君璧淵將授廣陵車氏刊行事竟未果而書亦莫歸客秋在金陵書市適獲是冊余弟靜軒方探討碑帖鼎彝之學慇懃售之未有覃溪數語間有改校處蓋自翁本傳抄來者予病其舛謬猶多因取紀勝原書校字千餘補脫十餘行中數州未下硃筆者原書缺卷也紀勝書二百卷現今行者悉缺卷卅有二完書不可得見已猶憶遵王讀書敏求記中有之稱其宋刻精品則是園當日曾弃宋槧全璧想其物尚在寰中他日或一遇之否靜軒近又得周文王廟一碑篆額祇稱大周某年而無年號郡人素精金石者莫尋其端今是目簡州下已詳說之矣然則是目也講金石曷可少哉靜軒其刻以流通之道光壬辰春三月妙道人記草

元吳師道敬鄉錄。皆載金華人著述。其第十二卷云。王象之字□□。慶元丙辰進士。博學多識。著輿地紀勝。其序曰。世之言地理者尙矣。郡縣有志。九域有志。寰宇有記。輿地有記。或圖兩界之山河。或紀歷代之疆域。其書不爲不多。然不過辨古今。析同異。攷山川之形勢。稽南北之離合。資游談而誇辨博。則有之矣。至若收拾山川之精華。以借助於筆端。取之無禁。用之不竭。使騷人才士於一寓目之頃。而山川俱若效奇於左右。則未見其書。此紀勝之編。所以不得不作也。余少侍先君宦游四方。江淮荆閩。靡國不到。獨恨未能執筆操牘。以紀其勝。及仲兄行甫。西至錦城。而叔兄中甫。北趨武興。南渡淪蘆。歸來道梁益事。皆袞袞可聽。然求西州圖記於篋中。藏未能一二。雖口以傳授。而猶恐異時無所據依也。余因暇日。搜括天下地里之書。及諸郡圖經。參訂會萃。每郡自爲一編。以郡之沿革。見之編首。而諸邑次之。郡之風俗。又次之。其他如山川之英華。人物之奇傑。吏治之循良。方言之異聞。故老之傳記。與夫詩章文翰之關於風土者。皆附見焉。東南十六路。則倣范蔚宗郡國志條例。以在所爲首。而西北諸郡。亦次第編集。第書品浩繁。非一家所有。隨假隨閱。故編次之序。未能盡歸律度。然而一郡名物。亦庶幾開卷而盡得之。則回視諸書。似未爲贅也。或者又曰。昔太史公方行天下。上會稽。探禹穴。歷覽山川奇傑之氣。以爲著書立言之助。先儒至欲倣子長之遊。而後始學其爲文。今子乃合天下之書。不出戶牖。而欲名山大川若躬履焉。於子長之遊。未免有戾乎。余因自笑曰。昔子長因遊而得作書之趣。余乃因書而得山川之趣。其迹雖不同。然亦未可盡以迹拘也。當從識者而問之。嘉定辛巳孟夏東陽王象之謹序。

輿地碑記目序

二

此序輿地紀勝原書有之。乃從敬鄉錄所載抄者。亦緣未見原書之故邪。或卽是覃溪所補綴。覃溪未

見紀勝也。有堂記。

象之字儀父。三月初九日又記。

此書朱鴻臚豫堂先生小史所抄。頗多誤字。經餘姚邵孝廉粗校一過。不能盡正也。聞永樂大典中有此種。安得假而離之乎。乾隆庚寅二月十五日南昌舟次記。

碑者金石之文也。記者方志文集也。此從地理書中摘出。非象之專爲碑記而作也。其摘出單行。不知始於何人。而象之全書。徐玉峯朱竹垞猶及見云。大雲山人再記。

輿地碑記目卷一

宋 王象之撰

臨安府碑記

吳大帝黃武二年刻字在栗山。東晉孫文度鑄石銘在富陽縣之雞籠山。義熙八年立。隱士郭文碑在臨安縣。湖州刺史孫彭立。天竺靈隱二寺記。臨安志云。寺記陸鴻漸文。僧遵式立。復州圖經云。陸羽嘗過錢塘撰。————冷泉亭記。唐長慶二年。白居易文。西湖石函記。唐史。長慶四年。白居易文。胥山碑。銘元和十年。盧元輔文。王適書。佛說尊勝陀羅尼呪。牛僧孺八分書。唐龍興寺碑。卽今之祥符寺也。景龍四年。盧季詢書。華嚴元覺法師碑。褚庭誨書。任道真題。李涉碣後舊在祥符寺。皋亭神祠碑。牛僧孺書。唐徑山禪師碑。九域志云。崔元翰。李吉甫詞。下石龍浮勝院磨崖心印銘。唐翰林學士梁肅文。唐和州刺史凌準墓誌。在新城縣。唐柳宗元文。餘杭縣令劉允恭德政碑。晏公類要云。劉令莅事詳明。臨下清簡。人懷其惠。吏畏其威。陳允昇德政碑。晏公類要云。在餘杭縣。唐上元二年立。中書舍人李紆文。前縣令李復碑。晏公類要云。在餘杭縣。唐大歷四年立。秘書郎蔣志文。赤松子銘。晏公類要云。在富陽縣。又云。赤松子駕鶴時。停此山。唐縣令丁君德政碑。晏公類要云。在於潛縣。西市內。唐麟德二年立。石壁法華經記。在廣化寺。唐元稹文。眞聖觀碑。在天慶觀。開平二年刻。梁簡文石像記。在靈隱寺。司空相國詩。在靈隱寺。唐嵩嶽

大師影堂記在靈隱寺鳥窠禪師塔銘在定業院唐白舍鳥窠禪師問答頌在定業院唐宣宗悼安國寺
悟空禪師碑在鹽官縣悟空禪師行業碑唐咸通二年盧求文淨明院功業碑在臨安縣錢武肅王書崇
覺院錢武肅王開山碑在臨安縣錢王建興教寺記在本寺吳越王立功碑在臨安縣乾化三年立吳越
王生祠碑在臨安縣李淇撰乾化三年立錢塘龍王廟碑錢塘湖有廣潤龍王廟碑云錢鏐正明二年建
觀音尊聖幢在九里松寶大二年建貢院前橋柱刻云寶正六年歲在辛卯造此錢王三年號曰天寶曰
寶大曰寶正皆錢王年號也又臨安府石屋崇化寺尊聖幢云時天寶四年歲次辛未以年月攷之非唐
之天寶乃錢王之年號耳蓋梁以丁卯募唐武肅是歲猶稱唐天祐次年戊辰乃自稱年號曰天寶元年
則天寶四年辛未乃梁之乾化元年也事見徐邁隨筆又通鑑唐明宗天成二年吳越王錢鏐以中國喪
亂朝會不通乃改元寶正其後復通中國乃諱而弗稱杜太師稜築城記在新城縣寶大元年羅隱文羅
給事墓誌在新城開平四年沈崧文吳越武肅王神道碑在臨安縣楊凝式撰長興二年立龍興寺華嚴
經柱石記寶歷三年九月二十五日蘇州刺史白居易撰寺僧南操立胥山銘集古錄唐盧元輔撰王遙
書山有子胥廟故以爲名元和十年立在杭州元覽法師碑集古錄唐徐安正撰稽延誨書碑以開元二
十三年立在杭州

嘉興府碑記

秦始皇碑九州要記云始皇登秦望山以望海今始皇碑在嘉興縣六里山石刻在海鹽刻云天冊元年

旂蒙協洽之歲孟冬陽月日惟壬寅朔石贊神遺忽自開發拾得青玉璽篆文吳真皇帝共三十八字秀道者塔碑張伯玉百韻詩序云今有塔銘存焉東漢烈士沈光書迹石刻張伯玉百韻詩注云在聖果寺周氏墓碑在海鹽唐正元十四年汝南縣君周氏墓誌銘附于嘉興縣東界海鹽縣齊景鄉寶花尼寺碑今碑刻猶存僅可讀大歷丙申歲夏五月七日崇福團寺記在崇德縣西八十步有唐無著禪師贊甯碑記陸府君碑在海鹽縣北五十五里當湖市近得一石刻乃唐吳郡陸府君墓銘齊景公廟碑在海鹽縣齊景鄉唐正元十四年汝南縣君周氏墓誌銘附于嘉興縣東界海鹽縣齊景鄉華亭吳征北將軍碑宣城內史碑嘉禾王總管守城記侯渙文曹史君廟記吳感文高史君廟記崔拱臣文靈光寺僧靈祐塔銘沈亞之文法雲寺碑在華亭縣南三十五里大唐蘇州華亭縣顧亭林市新紉法雲禪院記大小十四年歲在庚辰吳興沈斌述并書又亭林法雲寺感夢伽藍神記又開運元年造寺成二僧夢云梁朝侍郎至忽見紫衣曰此吾故宅也明夜復夢云但尋古碑文爲據明旦求之果見碑文云寺南高基顧野王曾于此修輿地志遂建屋立像曰顧侍郎祠慶歷六年記云資聖院碑在嘉興縣唐宣宗書字額尙存萬年宮額天祐元年武肅王重書額見存天慶觀碑掘得二小石刻其一北極殿記知州宋坦雅縣三年記并銘解九皋擬徐鉉茅山許長史并銘爲之石篆書三十六字吳歸命侯天冊元年刻在海鹽之六里鄉開元宮梁朝繪七寶上帝像乾道中開齋堂掘得二小石刻其一北極殿記知州宋坦記嘉禾志并詩郡守張元成序武原志即海鹽圖經令蘇養直序雲間志華亭令楊偕編

安吉州碑記

漢故梁相費府君碑在墨妙亭集古錄隸書不著書撰人名氏碑不載其鄉里及刻石年月漢故堂邑令費君碑在墨妙亭又一碑亦在號三費碑漢費鳳碑集古錄云漢石勳撰隸書不著名氏文悉爲五字句亦無所立年月吳大帝廟碑吳赤烏五年建廟陳孝義寺碑裴公類要云徐陵撰在下山下今在墨妙亭唐太宗御製聖教序在墨妙亭唐開元皇帝封文宣王詔在州學勅天下放生池碑舊在文宣王廟今在魯公祠集古錄云唐顏真卿撰并書肅宗乾元二年詔天下自山南至浙西臨江置放生池八十一所真卿爲天下放生池銘池上之碑以大歷八年立顏真卿集唐肅宗御書題碑額集古錄云顏真卿書批答肅宗御書表以上元元年上碑以大歷九年立集古錄云乞御書批額碑陰記顏真卿貶碑不果立至大歷中爲湖州刺史始追建于州之駱駝橋東集批答御書字以爲額又序其事於批答碑陰以大歷九年刻勅書褒戰功記在甲仗庫前唐憲宗賜刺史辛泌及慰問將士詔書封崇孔宣父故事在州學元和四年記德本寺碑在文宣王碑陰胡季真撰文宣王新廟碑在州學唐大中閒鄭言撰并書蓋記刺史令狐綯作射堂記在墨妙亭集古錄云唐顏真卿撰并書碑石訛缺不可考以大歷十二年立又云右射堂記顏真卿所書刻于石者項王廟碑陰集古錄云顏氏殘碑唐顏真卿書并項王碑陰記附殘缺不全而事迹可見碑陰真卿重建項羽廟碑以大歷七年刻項王蔬食文在墨妙亭于祿字書碑二一在墨妙亭一在魯公祠集古錄湖州顏魯公石記云唐人筆跡見于今者惟公最多其在湖州所書爲世所傳者惟于

隸字書放生池尚多見于人家而千祿字書乃楊漢公摹其真本以訛缺遂不復傳獨余集錄有之惟好古之士能知前人用意之深則其埋沈磨滅之餘尤爲可惜也湖州石記集古錄云碑字殘缺不見年月及書人姓名驗其字畫蓋顏魯公書也石柱碑舊在烏程縣西南三十里之杼山今在墨妙亭又斷碑二亦在顏真卿書晉吳興太守謝公碑在墨妙亭唐裴清撰僧道鏡書大歷七年建太守歷官記在墨妙亭自晉王逸少泊陳任忠凡四十四人湖州刺史題名記唐廣德元年李紆撰後記正元十六年顧况撰又後題正元十七年刺史李詞晁公武合州廳壁記云刺史廳壁記始於唐而顧况元結之文最爲著按湖州所記五百餘人而名德如謝安石顏清臣之徒傑然表見於史籍者凡數十公故其地冠簪之盛常數天下三分之一白蘋洲五亭記在墨妙亭唐白居易撰馬縉書開成四年建又見金石錄白蘋亭記在墨妙亭唐李直方撰史鑄書元和元年作白蘋洲記在州大廳壁中中和五年刺史孫儲撰王溥書湖州紀功記在甲仗庫唐元和中紀刺史辛泌平李錡也吳大帝廟碑在廟中唐安定立胡季珩撰大和中大甯寺建功德碑在報恩寺韓章撰徐浩書大歷六年建袁高茶山述在墨妙亭唐于頔撰徐璐書述刺史袁高所作茶山詩集古錄云唐袁高撰徐璐書湖州之顧渚山歲修茶貢高爲刺史而作是詩其後于頔得之於壞垣爲之序而刻之正元七年立又碑陰李吉甫撰正元十年建烏程令章公德政碑在烏程縣治唐至德二年沈務本撰沈仲昌書沈府君墓銘在墨妙亭乾元元年章卓撰并書胡夫人墓銘在墨妙亭天復三年于景休撰并書金氏墓銘在墨妙亭李翱述并書吳氏墓銘在墨妙亭大和九年胡季珩書

斷碑二在墨妙亭。一咸通五年于僧翰書。一乾元元年鄧彤書。唐大光和尙神異碑在烏程法華寺。乾甯中李紳書。唐大光和尙道蹟碑在烏程法華寺。唐丞相李紳墓碑在烏程裏山。乾甯三年立。唐吳興邱氏墓碑在烏程縣西晉水鄉淋谷。元和四年立。唐古山索靖廟碑在烏程本廟。唐重置興國寺碑在歸安縣無爲寺。唐永興寺僧伽和尙碑在歸安縣鹿苑寺。元和九年立。唐永興寺冥道記在歸安縣鹿苑寺。咸通四年立。崔祐甫銘崔植誥長興縣崔趙村在鼂溪澗之右。崔卽唐相祐甫之後家藏韓愈所作祐甫墓銘。又藏崔植崔趙等誥數軸。陳周宏正報德寺碑在長興縣大雄寺。陳徐陵報德寺塔銘在長興縣大雄寺子院。唐沙門靈皎城山寺碑在長興縣慈氏院。元和中撰。唐沙門靈皎魚陂明禪師塔銘在長興縣空隱院。晉謝太傅塘碑舊碑在謝公鄉。顏真卿取舊史遺文刊石而書其陰。今碑在墨妙亭。唐大慈寺鐘記在本寺。唐縣令韓章撰。吳興雜錄唐志張文悅作。吳興記山謙之作。吳興錄章昭作。吳興山墟名張元之作。又云晉吳興太守王韶之撰。三吳土地記顧長生作。吳興志陸羽作。吳興統記景德中湖州攝長史左文質纂。吳興詩集熙甯中湖州事孫覺哀次。自晉至唐凡二百首。武康土地記沈常撰。餘英志慶元中進士劉曠撰。吳興詩金大亮序。吳興續圖經紹興中編。吳興志舊編淳熙中教授周世楠撰。

平江府碑記

朱氏墓碣在吳縣西穹窿山。碑已沒滅。其可讀者云。世居下邳。自平始二年。避地至此。包山神景觀林屋洞碑。唐開成三年建。報恩寺惠敏律師碑。銘台州刺史陳諫撰。蘇州刺史元錫書。天台大德元浩和尙靈

塔頤太原少尹崔恭撰城隍廟唐碑吳郡志云城隍廟其初春申君也唐碑具在孟郊張祐留題吳郡志云崑山古上方有——云書龍記在長洲縣廳事唐李紳記周先生住山碑在洞庭山唐令狐楚撰楞伽寺石記在吳縣橫山下山嶺有塔隋時所建石記存焉旁有巨井石欄欄側有隋人記刻龍興寺碑在吳縣西南紹興開瓦礫中得房琯所作寺碑興福寺記在常熟縣西北九里塘寺記云始於齊始興五年按齊無始興年號但有延興中興二號皆止一年流傳之誤如此既是唐碑姑存之寶積寺塔銘在橫山下山頂有塔隋人所書塔銘碑石全好字畫秀整絕類虞褚顏真卿虎邱詩刻唐詩紀事二十四卷吳門有清遠道士周恭子遊虎邱山其辭自商周歷近代抑二千年來矣鬼神耶隱士耶莫能測也薛藻健俊魯公愛之刻于巖際江搃碑唐詩紀事三十卷苗發送司空曙之蘇州詩云若到仁霞寺應看——寶花寺碑集古錄一百四十五唐鄭儒立撰于頔書陸齊望有女爲尼齊望捨宅爲寺子謂等以永正二年造寺始成立此碑在蘇州嘉興縣春申君廟記集古錄三百二十八唐趙居正撰史惟則八分書并篆額碑以天寶十載立於蘇州重元寺法華院石壁經碑文太和三年春郡守白居易記南禪院千佛堂轉輪經石記開成二年二月一日白樂天撰皇甫湜顧況詩集序序云吳中山泉氣狀英淑怪麗太湖異石洞庭朱實華亭清嘖與虎邱天竺諸佛寺鉤綿秀絕君出其中間翫清輕以爲性結冷淡以爲質瞻鮮榮以爲詞偏得于選歌長句駿發踴厲往往若穿天心出月脇意外驚人語非尋常所能及最爲快也李杜已死非君誰與况字通翁常熟唐古碣韓昂元和三年松陵集陸龜蒙圖經李宗諤修定續志朱長

文編新志范成大編見言行錄松江詩集何捷撰松江詩後集胡份序重廣松江集石處道序

常州碑記

陽羨山封禪碑雲麓漫抄云吳志天監元年吳興陽羨山有空石長十餘丈曰石室鄒表爲瑞道兼司徒
董常兼太常周處封禪國山大赦改明年爲天紀卽前所云水洞是也山後有封禪碑土人目曰困碑以
其石圓八出如米廬云字畫奇古歲久多磨滅隋陳司徒告身集古錄隋大業十一年陳果仁告身果仁
妻軫靜捨宅造寺無書人名氏捨宅疏稱明政二年者李子通年號也在武烈帝廟吳國山碑集古錄云
不著撰人名蘇建篆歸命碑天冊元年得玉璽刊石告禪于國山之陰其所述瑞應凡千有二百餘事善
權寺詩靈巖瀑布記集古錄云羊士謩游善權寺詩康仲熊游靈巖瀑布記鄭薰雪霽開講詩附善權寺
詩元和十三年刻李飛書在常州無錫銘毘陵志無錫縣下曰樵者于山下得銘云有錫兵天下爭無錫
甯天下清有錫珍天下弊無錫文天下濟唐賀蘭夫人墓誌集古錄云正元九年唐陸贄撰或云贄書也
題曰祕書監陸公夫人墓誌銘而贄自稱姪曾孫唐東山亭記車夏卿撰詳見東山亭下張公洞唐人留
題見張公洞下唐李相家山碣在懸山中唐相文肅公紳常肄業于此因名李相家山乾符末孫渭南尉
直史館審立此記事見晏公類要韓熙載靈洞觀記見張公洞下登仙觀碑事見王八百下晉右將軍曹
橫墓碑在晉陵縣東三十五里有徐鎔碑云晉右將軍曹橫所葬因曰橫山

鎮江府碑記

季札廟碑九域志云吳——內有唐刺史某人刊夫子十字碑吳季子銘集古錄云篆書凡十字曰烏
乎有吳延陵季子之墓張從申記以爲孔子書碑久湮埋元宗命殷仲容模楊大歷十四年蕭定重刻于
石井正元二年鄭播謁孔子廟題名建中元年盧國遷建碑記及從申書附梁招隱利銘集古錄云梁晉
安王蕭綱撰不著書人名氏——王所建也王後卽位爲簡文帝碑以普通三年立梁太祖文皇帝
神道碑在丹徒縣之三城港文帝陵下鎮江志云歐公集古錄以爲宋文帝碑非是蓋宋文帝自葬蔣山
見於沈約宋書明甚第見此八字與宋文帝證號偶同遂指以爲宋帝而不知其爲梁武帝之父追尊之
號亦同唐蔣防鹿跑泉銘晏公類要在丹徒縣西南七里招隱寺舊經云宋戴顓嘗居於此後以宅爲寺
有張祐留題詩有鹿跑泉唐蔣防爲泉銘見存李德裕玉蘂花詩類要云在丹徒縣東南七里招隱寺寺
內有李德裕玉蘂花詩刊石在焉紫府觀記在金壇縣馬跡山有唐上元令王仲康記集仙觀記在丹徒
縣東南二十五里有廣明初士人張彥爲之記唐忠烈公新廟記在廟內顧雲文唐魏法師碑在仁靜觀
胡楚賓文洞虛觀記舊在延陵縣陶村陶隱居之故廬也有長慶中石記存焉唐戴叔倫神道碑在金壇
縣南三里梁肅爲神道碑唐祐順王廟先天碑在府治後園卽漢荆王賈廟也有唐先天二年石刻武烈
帝廟碑廟在城南一里卽隋司徒陳果仁之廟也唐封爲——命徐鉉作碑唐潤州甌羅尼經幢歐陽
公集古錄云右甌羅尼經幢今在潤州寶墨亭中唐雲陽野夫王奐之書字畫頗爲世俗所重陸龜蒙銘歐
陽公集古錄云華陽真逸撰刻於焦山之足常爲江水所沒好事者伺水落時模而傳之往往祇得其數